

DISSERTATIO MEDICA
INAUGURALIS,
DE
HYDROTHORACE.

QUAM,
ANNUENTE SUMMO NUMINE,

Ex Auctoritate Reverendi admodum Viri

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

CAROLUS HILL,
HIBERNUS.

Soc. Reg. Med. Edin. Soc.

Ad diem 12. Septembris, hora locoque solitis.

Vetus sed verissima, et medicorum et vulgi, est sententia, respira-
tionem et vitam pari ambulare passu.

EDINBURGI:
Apud BALFOUR et SMELLIE,
Academiae Typographos.

M,DCC,LXXXIII.

GEORGIO OGLE,

Regi a privato concilio,

Quem cives,

Facundum ac fidelem olim experti,

In curiam Hibernicam

Iterum iterumque evexerunt,

Hanc dissertationem,

Summae observantiae monumentum,

Confecrat

CAROLUS HILL.

GEORGIO OGLE,

Regi a privato concilio,

Quem civem

Parthenonem ac fidem olim experti,

In curiam Hibernicam

Itum iterumque egressum;

Hanc dissertationem,

Summe obsequantiae monumentum,

Consecrat

CAROLUS HILL.

DISSERTATIO MEDICA

INAUGURALIS,

DE

HYDROTHORACE.

EX innumeris morbis, qui mortales la-
cessunt, ii sunt saevissimi qui functi-
ones vitales turbant. Respiratio est adeo
vitae necessaria, ut plerique morbi pulmo-
nis substantiam laedentes, ejusve actionem
impedientes, periculosi, plurimi lethales e-
vadant. Cum autem substantia est tener-
rima, motusque perpetuus, cum praeterea
aëri frequentissimas mutationes subeunti
objicitur, et plurimum sanguinis, singulis
respirationibus, transmittit, permultis mor-

2 DE HYDROTHORACE.

bis est obnoxius. Eorum nullus gravior nec periculofior quam hydrothorax, quem jam sum tractaturus.

Haec est optima morbi definitio : Dyspnoea, faciei pallor ; pedum oedemata ; urina parca ; decubitus difficilis ; subita et spontanea ex fomno cum palpitatione excitatio ; aqua in pectore fluctuans *.

Historia morbi est perdifficilis ; quia tot extant varietates, quot vix ad descriptiones generales redigi possunt. Initium morbi est quodammodo duplex ; interdum enim thorax primo afficitur, unde signa hydro-
pis ad alias corporis partes transeunt ; saepius tamen aqua, in alias partes prius effusa, ad pectus demum transit.

Priore in exemplo, morbus plerumque incipit a signis catarrhi vel peripneumoniae. Sensus est doloris vel ponderis circa diaphragma, per totum thoracem, et ad ventriculum usque, postea pertinens. Tussi molesta, interdum dolorifica, aeger noctesque diesque

* Cull. Nofol. vol. 2. p. 277.

diesque vexatur. Sputum initio parcum, postea augetur, interdumque sanguine tingeritur. Dum aeger suspicatur catarrhum, aliumve affectum leviolem, solum adesse, signa acerba, postea memoranda, exorta, aquam esse in thorace effusam ostendunt. Oedema pedum accedit, quo, signa thoracis male se habentis initio saepe levantur; sed paulo post, seu oedema pedum permanferit, necne, denuo redeunt.

In altero exemplo, quod quidem longe frequentissimum est, signa hydropicae effusionis alias corporis partes invadunt, thorace parum vel non omnino affecto. Sed, cum aliae partes subito sine aucta evacuatione detumescant, vel cum signa diu duraverint, thorax ipse afficitur. Rebus ita sese habentibus, tussis ac dyspnoea semper inter prima symptomata inveniuntur. Quomodocunque morbus inceperit, utrum aqua primo in thoracem ipsum, vel in alias partes fuerit effusa, eadem sunt symptomata, idem progressus.

Dyspnoea,

4 DE HYDROTHORACE.

Dyspnoea, quotidie aucta, molestissima fit. Æger miserandus nec recumbere nec scalam ascendere, sine anxietate intoleranda, potest. Cum somnum ambit, caput elevetur, corpusque erigatur est necesse. Inter dormiendum diris insomniis agitatur; nam sibi videtur nunc sub undas aestuantes submergi, nunc ire solus per loca tenebrosa, adeoque angusta, ut respiratio usque ad suffocationem difficilis evadat. Corde palpitante, somnus aegrum anhelantem linquit, qui expergefactus in dyspnoeam insomniis graviolem incidit.

Somnus saepissime rumpitur sine insomnio; nempe intoleranda anxietate, quam cordis palpitatio ac respirandi difficultas nunquam non inferunt. Æger plerumque multum terretur, nec raro, metu subiti periculi perculsus, cum primum expergiscitur, exclamat.

Causam quae thoracem refercire ac coarctare videtur, rejicere tussiendo saepissime laborat, sed frustra. Sputum copiosum levamen paulisper interdum affert; at causa
altior

altior est quam ut hoc modo superari possit.

Situs corporis molestissimus variat prout sedes fluidi effusi. Alterutro cavo thoracis aqua impleto, aeger in contrarium recumbere nequit; utroque impleto, vix omnino recumbere potest. Corpus erectum, vel paulo pronum tenere, tunc non modo gratissimum, sed prorsus necessarium fit.

Piso meminit respirationis difficilis ac celeris, quae subito circiter horam somni invasit, et, aurora appropinquante, gradatim decessit.

Ex nifibus subitaneis vel nimis, fluctuatio in pectore sentitur. Alias, motus aquae tremulae et undantis, cordis motibus respondens, semper sentitur, et interdum observari potest inter tertiam quintamque costam. Hypochondria quoque saepe tument, et alterutrum brachium interdum stupet.

Etsi respiratio primo et praecipue afficiatur, attamen postea nulla functio non turbatur, et denique infelix aeger extrema debilitate

6 DE HYDROTHORACE.

bilitate obruitur. Appetitus cibi minuitur; potus, quamvis non semper ad sitim extremam, augetur, urina fit parca.

Memoriae proditur, paroxysmos febriles singula morbi stadia infestare, et acerbiores fieri vesperem versus; sed in exemplis huiusmodi, pus non aquam effundi, veri videtur simillimum. Utcunque res sit, hi non modo non constantes, sed rari inveniuntur. Circuitus plerumque languidus et tardus fit, partesque extremae frigidae, parumque sentientes factae, gangraena aliquando afficiuntur. Post secundum vel tertium pulsus quemque ictum, longae intermissiones succedunt, ictusque sequentes similiores sunt spasmodicae contractioni quam regulari actioni cordis. Pulsus haud raro valde frequentes fiunt, et simul aequales reperiuntur. Saepius vero cum frequentia pulsuum insignis intermissio et inaequalitas conjunguntur.

Nonnunquam tardissimi fiunt, cuiusmodi exemplum nuper observabatur in Nosocomio

mio Edinenſi, quod breviter narrare operae erit pretium.

Quidam lanius, annum trigeſimum ſextum degens, tuſſi ac dyſpnoea fere ad ſuffocationem uſque, corripiebatur. In dextrum latus vel in dorſum decumbere non omnino potuit, in latus ſiniſtrum pauliſper tantum, idque aegerrime. Oedema erat pedum, et fluctuatio in abdomine manifeſta. Ex ſomno ſemper ſubito excitabatur. Pulſus lentior erat, quam fere unquam in exemplis huiusmodi obſervatur. Ad vigeſimam nonam vicem vel infra, in horae minuto, deſcendebat, quod quidem Gregorius ipſe non ſine admiratione notavit.

Palpitatio mire creſcit, adeo ut nunc ſyncope, nunc mors repentina, conſequatur.

Dum circuitus et reſpiratio ita turbantur, ut aeger motus omnigeni fiat intolerans, dum appetitus cibi proſternitur, vultus magis magiſque palleſcit, venae flaccidae fiunt, et omnia ſigna leucophlegmaſiae adſunt. Debilitas tanta denique evadit, ut deglutitio ipſa fiat difficillima. Pulmo a-

deo

8. DE HYDROTHORACE.

deo opprimitur, ut post horrendam anxietatem, plurimosque conatus irritos, ejus motus omnino cesseret.

Quantum ad morbi cursum spectat, plurimae inveniuntur varietates. Raro lethalis fit ante aliquot hebdomadas, saepe per plures menses durat; sed interdum, ubi nempe aqua in pericardio contineatur, intra hebdomadem secundam aeger fato cedit.

Morbo cito progrediente, ea quae notavi non omnia observantur, qualia sunt, oedema pedum ac manuum, vel vultus leucophlegmaticus; immo interdum nulla fuit suspicio morbi ante sectiones cadaverum, de quibus pauca addere nunc rei non erit alienum.

Ex quo medicina excoli coeperit, medici conati sunt explorare effectus morborum cultro, ut inde causas medelamque colligerent; nec ex toto incassum; nam plurima physiologiam, quaedam pathologiam spectantia, inspectio cadaverum in lucem edidit. Plura commoda tamen saepissime pollicetur quam praestat. Difficile quoque est

est causas morborum ab eorum effectibus, et iis quae post mortem sequuntur internoscere. Horum omnium memor, phaenomena post mortem frequentissima nunc breviter proponam.

Interdum, ubi aqua effusa unica mortis causa fuerat, omnia viscera thoracis sana inventa sunt; saepissime tamen schirrus vel callus pulmonis invenitur, interdum suppuratio.

Viscera abdominalia, uti jecur, lien, ventriculus, et pancreas, saepe morbida quoque inventa; sed difficillimum est statutu, quatenus affectiones hujusmodi pro causis morbi sunt habendae.

Quaedam unciae fluidi saepissime in thorace inveniuntur, nullo praegresso morbo; sed interdum quantitas, post hydrothoracem, ad plures libras exurgit.

Fluidum nonnunquam limpidum est, saepius turbidum, lac serumve referens. Historiam eximiam Willisius memoriae tradidit, quam breviter referre non supervacuum judico.

‘ Nuper adolescens fatis fanus et robustus, venationi, equitationibus improbis, aliisque corporis exercitiis quantumvis immodicis, dudum impune affuetus, tandem in thorace plenitudinem seu velut inflationem quandam perfenfit, in tantum ut pulmonis latus finistrum intumescere, et cor extra locum suum dextrorsum protrudi videretur *.’

Postea vas videbatur disrumpi, et stillidium ab alta ad imam partem thoracis, non solum sibi, sed adstantibus, aubiebatur.

Signis ingravescentibus ‘ chirurgus inter sextam et septimam vertebam cauterium applicuit, et postridie foramini in pectoris cavitatem secto canalem indidit, quo facto statim liquor crassus, ac instar chyli albescens et quasi lacteus, effluebat. Huius prima vice sex circiter unciae detrahebantur, et postridie tantundem. Die tertio paulo major quantitas exhibat †.’

Sedes

* Willis, Pharm. Ration. p. 216.

† Id. ib.

Sedes fluidi effusi multum variat; nunc invenitur inter pleuram ac costas, nunc, sed raro, inter plicas mediaſtini; nunc in ſaccis intra cavum thoracis, vel in ſubſtantia pulmonum formatis, interdum etiam in pericardio *.

Haud raro tamen licet multa ſigna hydrothoracis mortem præceſſerint, cadaver nulla ſigna effuſionis oſtendit. Puella debilitata, annos 18 nata, a Gregorio, acumine judicii, æque ac elegantia ingenii, inſignito, proxima hyeme, in noſocomio Edinſi tractabatur. Per quinquennium, aliquantum ſanguinis tuſſiendo rejecerat; anxietas præcordiorum erat intoleranda; cor palpitabat. Pulſus plerumque tardiſſimus, circiter 33 vel aliquantum infra, interdum, etſi raro, naturalis, interdum frequentior obſervabatur. Nonnunquam valde

* Nonnulli hunc morbum a hydrothorace eſſe diſtinguendum putant; cum tamen ſigna ſunt eadem, ut et remedia, diſtinctione, Cullenſi judice, minime opus eſt.

de intermittebat, aegerque animo saepissime linqui solebat. Signa amenorrhoeae ac dyspepsiae quoque aderant; quae tamen omisi, quia nil ad meam rem pertinent.

Multis remediis in cassum adhibitis, subito obiit, inspectoque cadavere, dum alii adhaesiones, alii polypos, effusionem, vel ossificationem valvularum, credebant repertum iri, omnes fere partes omnino sanae conspiciebantur. Exiguae quidem, dubiaeque notae inflammationis, circa cordis apicem detegebantur, et aliquantum aquae in pericardio inventum; quantitate tamen adeo exigua, ut incredibile videretur, id tot malorum fuisse causam.

D I A G N O S I S.

Morbo provento, haec minime est difficilis. Difficultas spirandi tamen sola non sufficit; quippe quae asthmati, eique speciei dyspnoeae,

dyſpnoeae, quae aquoſa nominatur, ut et reliquis, fit communis.

Sed in aſthmate, paroxyſmi periodici ſunt, iisque decedentibus, mortalis ad priſtinum vigorem cito reſtituitur. Vultus, et inter et poſt paroxyſmum, non modo non pallidus ac languidus, ut in fere omnibus hydropibus, ſed ruber floriduſque haud raro evadit. Pulſus plerumque ad, interdum ultra, gradum ſanum exurgit. Palpitatio et ſyncope rarius occurrunt. Oedema pedum tumorque abdominis abſunt, nec urina parcius ſolito fluit. Senſus eſt conſtrictionis in trachea vel in bronchiis, nullus tamen fluidi ibi fluctuantis.

Dyſpnoea aquoſa nil eſt niſi initium hydrothoracis, ideoque diagnofis eſt ſupervacua. Aqua effunditur vel in partes extremas, vel in cava corporis, adeo ut dyſpnoea invadat. Paulo poſt, aqua accumulatur, omniaque ſigna hydrothoracis plene edit.

Quum tantum fluidi ſit, quantum inter fluctuandum ſentiri vel audiri ab adſtante poſſit, morbus ſatis manifeſtus eſt. Inter-
dum

dum tamen signa a pure non ab aqua effusa oriuntur. Hic morbus empyema nominatur, et hydrothoraci est admodum similis. Si ad sensum fluctuationis solum animum adverteremus, diagnosi foret omnino difficilis; sed, si historiam morbi respiciamus, et violentiam inflammationis praegressae, una cum signis suppurationis hanc insequentis, consideremus, morbos dignoscere plerumque poterimus. Oedema pedum, et signa hydropis in aliis corporis partibus, empyemati non adsunt, dum febris hectica, rara hydrothoracis comes, id saepissime comitatur.

Praeterea, stupor alterutrius brachii in hydrothorace saepissime observatur, et fortasse diagnosin quadantenus adjuvabit; nam rarius in aliis pectoris morbis conspicitur. Hoc tamen non est ex toto certum.

THE-

THEORIA MORBI.

Hydropes varie nominantur, prout aqua in hanc vel illam partem fuerit effusa; sed omnium natura est quodammodo similis. Utrum aqua effusa igitur habebitur causa proxima morbi, vel signum solummodo cuiusdam causae, quam proximam vocare placet, parum anxius, res quae effusioni favent nunc brevissime exponere conabor.

Multum hac de re hallucinati sunt antiqui. Vasorum absorbentium et exhalantium ignari, theorias vanas futesque finxerunt. Hydrothorax, ex. gr. credebatur oriri a nimia serofitate in cerebro; unde aqua nunc stillabat nunc fluebat in pulmones. Rem vero nunquam tetigerunt, quod quidem nemo mirabitur qui meminerit, quanto homines sint procliviores et ad affirmandum et credendum, quam ad sedulo indagandum. Opinionibus antiquorum, quas

quas refellere non nunc operae est pretium, omiffis, ad ea quae ratio probat, et experimenta confirmant, prôgrediar.

Nullum cavum est corporis humani quod non perpetuo humet. Vafa unde hic lenis vapor humectans proveniat, nominantur arteriae exhalantes. Perquam exiles sunt, ita ut, dum sanae, vaporem vel rorem tenuem solum emittant. Hic humor semper mutatur; nam ex iisdem cavis, in quae exhalantia definunt, absorbentia oriuntur. Ubique fere corporis inventa multis funguntur officiis; quae ab intestinis oriuntur, ea cibi partem nutrientem ad sanguinem vehunt; quae a superficie originem ducunt, res multas vel sponte vel ope frictionis hauriunt; quae, denique, a cavis proveniunt, ea accumulationem fluidi exhalati praecavent. Ut corpus igitur sit sanum, opus est quodam inter exhalantium actionem et absorbentium aequilibrio. De morbis a nimia absorptione oriundis quaerere, ad me non attinet, et de vitio contrario, deque nimia exhalatione, ea solummodo quibus
opus

opus est ad hydrothoracem illustrandum, proferam.

Omnia quae corpus laxant et debilitant, id hydropibus pronum reddunt. Diaeta tenuis, aquosa, ebrietasque sint exempla. Utrum sanguis tenuior fiat his similibusque, parum constat; sed nemo dubitat quin solida debilitentur. Pari ratione hydrops frequentissime grassatur in regionibus nebulosis et humidis; humidus enim aër, ut omnes norunt, solida relaxat.

Nimiae evacuationes eundem edunt effectum. Hinc mira proclivitas ad hydrophem post diarrhoeam diuturnam, post dysenteriam, sed praecipue post haemorrhagias, semper conspicitur. Ex his, partes extremae frigescunt, pulsus adeo fit debilis vel tardus, ut extremae arteriae sanguinem in venas propellere nequeant; unde exhalatio nimia, et ex levissima causa excitante, hydrops invadit.

Moeror, moestitia, aliaque id genus, quippe pulsus tardiores debiliores et ideo sanguinis motum languidiores reddentia, et ad

8 DE HYDROTHORACE.

vitam ignavam ducentia, inter causas hydropis remotiores sunt jure numeranda.

Eorum quae circuitum sanguinis impediunt, quaedam hydropem excitant, omnia ei opportuniores homines reddunt. Tumores varii, spasmi cordis, vel offificationes valvularum semilunarium, hanc rem probant.

Quum provecta aetas pluribus causis praedisponentibus quam juvenus objiciatur, ipsa inter eas, nec sine causa, a plurimis traditur.

Et si, methodi ergo, causae remotae vulgo in praedisponentes et excitantes dividuntur, difficile tamen fit alias ab aliis internoscere, nec usquam quam in hydropibus hoc est difficilius. Res tamen levis est; namque, modo causae quibus tribuimus morbos ad justam theoriam rectamque medendi rationem ducant, parum refert quae-nam nomina iis indantur.

Inter causas hydrothoracis excitantes, ea quae cursum sanguinis per pulmonem impediunt, primum sibi vindicant locum. Obstructiones omnigenae saepissime hydropes gignunt,

gignunt, cujus rei schirrus jecinoris est notissimum exemplum. Tantum enim ad asciten inferendum confert, ut in pluribus exemplis, ejus causa proxima a plerisque non immerito habeatur. Schirrus pulmonis (qui tamen non admodum est frequens) hydrothoracem gignere potest; nec non ossificatio valvularum aortae, polypi cordis, et plures alii harum partium morbi. Praecipui reliquorum morborum sunt, asthma spasmodicum et pneumonia. Hydrothorax asthma toties sequi creditur, ut Hoffmannus libellum de asthma et de effusione aquae, quae id comitatur, scripserit, multasque historias rem illustrantes in medium protulerit. Quomodo asthma hydrothoracem excitet, difficile est dictu, nisi concedatur quandam constrictionem vasorum libero sanguinis cursui obstare, quod quidem et verissimum est, et plurimis placet; sed, cum difficultatibus compluribus haec opinio urgetur, cumque causas recensere magis quam harum rationem investigare, ad me attinet, rem in medio relinquam. Fere eadem, de pneumonia dicere, dira necessitas cogit.

Quin

Quin hydrothorax saepius eam sequatur, nemo inficias ibit, etiamsi singulos gradus, quibus haec illum inferat, detegere nequeat.

Inflammationem saepissime comitantur obstructions; eatenus, igitur, alias causas effusionis aquae refert. Praeterea, actio vasorum augetur, ita ut arteriae plus sanguinis afferant quam venae recipere possint. Hinc extremae arteriae sanguine distenduntur; ramuli, antea feri solius capaces, sanguinem admittunt; quique tenuissimum tantum humorem exhalare solebant, serum ipsum effundunt. Dolor denique, pneumoniae pertinax comes, non est omnino negligendus. Quantum liber cursus sanguinis per pulmones a dilatatione ac contractione thoracis pendeat, nemo ignorat; dolore autem cruciante, aeger nec plene inspirare nec expirare audet. Ecce novam hydropis causam. Frigus corpori calefacto admotum saepe hydropem excitat, et apud vulgus, quod nonnunquam bene observat, licet absurde ratiocinetur, aqua frigida calenti avide hausta, inter causas

hydropis

hydropis certissimas habetur. Mirum quidem est, quam cito effusio causam hanc adhibitam sequatur. Olim vidi juvenem gnavum, atque apprime robustum, qui, postquam diu et acriter (ut mos est plebi) saltaverat, semet flatui frigidi aëris temere obtulit, simulque copiam aquae frigidissimae avidissime hausit. Sudor subsistebat; pulsus debilis fiebat; anxietas erat gravissima; et mox postea, anasarca totum corpus, a palpebris ad imos pedes usque, invadebat. Dum iter faciunt milites, siti, pulvere et ardoribus aucta, impulsī, gelidissimos fontes temere adeunt; unde ascites apud infirmiores, post longa itinera, in regionibus calidis, grassatur.

Quaedam ad operationem aquae frigidae epotae spectantia abunde innotescunt, plura adhuc latent. Ex consensu ventriculū inter ac cutem, perspiratio subito cohibetur; perspiratione autem imminuta, major fluidorum quantitas, partes interiores versus, praecipue pulmones, tendit. Hinc catarrhus saepe, et hydrothorax interdum, frigoris est proles.

Praeterea,

Praeterea, frigus subito adhibitum vim cordis et arteriarum mirum in modum minuit, quae diminutio, una cum aucto impetu fluidorum partes interiores versus, exhalationem auget, et ita hydropem efficit.

Si quaeratur, cur frigus tam raro hydrothoracem et alios hydropes excitet, cum tot mortales ei quotidie objiciantur, vetus adagium erit responsum : ‘ Excitans causa ‘ nemini nisi praedispósito nocet.’ Frigus rheumatismum non semper infert ; nemo tamen idcirco dubitat, quin id sit istius morbi causarum excitantium princeps.

Noxae externae multimodis hydrothoracem efficiunt.

Haëtenus de iis, quae exhalantia praecipue spectant, dixi ; quaedam de vitiis absorbentium adhuc restant dicenda. Etsi fibrae musculares in absorbentibus nondum fuerint conspectae, inter omnes convenit, ea se contrahere posse, et morbis paralyti similibus evadere abnoxia. Paralysis igitur absorbentium inter causas hydrothoracis vulgo stat.

Obstruc-

Obstructiones quoque in iis frequentes fiunt, vel ob partes vicinas prementes, vel ob valvularum offificationem. Hujusmodi exemplum Edinburgi observabatur. Injunctio nunquam ultra quasdam valvulas progrediebatur, quae examinatae, multo reliquis crassiores ac duriores inveniebantur. Lymphatica sunt mire robusta; sed interdum rumpuntur, et lympham in diversa cava profundunt; haec ideo inter causas hydrothoracis est numeranda. Denique, omnes aliae causae, quotquot sint, quae exhalationem augere, et absorptionem minuire possunt, hydrothoraci inferendo sunt aptae. Praecipuas hujusmodi supra memoravi; omnes recensere nec facile foret nec necessarium.

RATIO SYMPTOMATUM.

Pleraque symptomata facile explicabuntur considerando motus pulmonis, effectumque

que aquae in thoracem effusae. Ut sanguis libere per pulmones fluat, opus est eorum alternis contractionibus ac dilatationibus. Costis levatis, et diaphragmate, singulis respirationibus, descendente, cavum thoracis ampliatur, quod pulmo aëre elastico distentus statim implet. Siqua res distensionem pulmonis impediat, *dyspnoea* cito invadit. Aqua autem in quavis parte thoracis hunc effectum non edere non potest. Costae quidem levantur, et diaphragma descendit, satis superque; sed aqua, eas inter ac pulmonem interposita, hunc comprimit.

Tussis.—Fere omnia quae pulmonis motum impediunt tussim excitant, benigno consilio, nempe, rem nocivam ejiciendi.

Difficilis decubitus.—Homine recumbente, viscera abdominis descensui diaphragmatis obstant; unde thorax fit angustior, et *dyspnoea* gravior. Ubi aqua in altero dimidio thoracis continetur, aeger in latus adversum decumbere nequit; namque, dum aqua effusa plenam lobi in latere tunc superiore

periore dilatationem prohibet, costae inferioris lateris pondere corporis immobiles redditae, alterius lobi dilatationem parum finunt. Unde aucta dyspnoea, et anxietas intoleranda, miserum a lecto abigunt.

Cor palpitat.—Sanguis per pulmones difficillime fluens circa cor accumulatur, idque ad actionem inaequalem stimulat. Actio tamen nimia debilitatem cito infert, unde palpitationem pulsus intermittens plerumque comitatur.

Somnus cito rumpitur.—Vis corporis in hydrothorace adeo est infracta, ut somnus multum desideretur, et in eum aeger subinde incidat. Inter dormiendum, autem, functiones vitales minore vi perficiuntur, ita ut pulmones, minus minusque distenti, sanguini transmittendo demum prorsus impares evadant. Hinc dira insomnia, de suffocatione, exorta, somnum cito fugant; alias, sensus molestus per se, sine somnio, eundem edit effectum.

Urina parca et sitis, omnibus hydropibus communes, eandem agnoscunt originem.

Cum enim multum feri in cava varia effundatur, parum restat unde secretiones aquosae fiant. Hinc urina parca, hinc saliva deficit, unde sitis aucta.

Stupor brachii.—Utrum hoc in historiam admitti deberet necne, diu anceps, demum admisi, et quia auctores optimae fidei id semper notant, et quia in hydrothorace bis ipse vidi. Rationem tamen nullam reddere possum. Num licebit affirmare nervos brachii comprimi? Sed quomodo comprimuntur? non in thoracem descendunt, nec ad axillam ita exurgit aqua, ut eos comprimere possit. Rem igitur meas vires penitus superare, lubenter confiteor; sed certe, eam non esse pro ficta et incredibili habendam, plurima docent. Quis reddet rationem tumoris testis in cynanche parotidaea? Hic tamen toties observatus fuit, ut pro signo pathognomonico jure habeatur.

P R O G N O S I S.

Haec plerumque fit infauſta ; morbus enim plerofque perimit, ſed ſerius citius, prout ſigna fuerint magis minusve gravia, et prout cauſae excitantes ſint magis minusve acerbac. Si ſigna ſint levia, aetasque aegri non admodum proveſta, levamen, forſan interdum plenam morbi ſanationem, ſperare licebit.

Sin contra, ſigna ſint gravia, aegerque ſenex, ſi quoque ſit cur ſuſpicemur obſtructionem fixam, lethum eſt expectandum. Quanto diutius morbus duraverit, tanto minor ſpes eſt ſalutis.

Alvus ſponte fluens, et magna copia urinae ſaepe profunt ; idcirco non inter ſigna periculi ſunt numeranda. Febris quoque interdum bonum ominatur.

Denique, ne diutius morer, morbus ſemper lethifer eſt, et quanto gravior dyſpnoea, quantoque major debilitas, tanto propius inſtat fatum.

METHODUS MEDENDI.

Post prognosin adeo infelicem, supervacuum, forsan ridiculum, videbitur remedia proponere; sed multa mala, quae tolli nequeunt, levare possunt. Praeterea, anceps remedium nulli praestat, et forsan felicior aetas, post nempe majorem usum, pluraque pericula, id praestare poterit quod ludit hodiernos conatus. Quocirca ad remedia efficacissima nunc progrediar.

Consilia medendi duo sunt; viz.

1mo, Aquam effusam evacuare.

2do, Ejus effusionem in posterum praecavere.

Quae priori consilio respondent, sunt,

A. Directa evacuantia, scilicet,

Paracentesis.

B. Indirecta, qualia sunt,

1. Vesicatoria.

2. Fonticuli omnigeni.

3. E-

3. Emetica.
4. Purgantia.
5. Diuretica, et
6. Sudorifica.

2do, Alteri consilio respondent omnia quae obstructiones tollunt, cujusmodi sunt,

1. Mercurius.
2. Cicutā.
3. Cryſtalli tartari.
4. Mezereon.

Nec non cuncta quae tonum corpori reſtituunt, et inde actionem abſorbentium ad-
augent, viz.

1. Diaeta.
2. Exercitatio.
3. Friſtio.
4. Chalybeata.
5. Cortex Peruvianus, et interdum
6. Frigidum balneum.

De singulis supra memoratis, multa verba facere facile, sed supervacaneum foret. Perpaucis igitur ero contentus.

Si omnia remedia frustra fuerint adhibita, si ad extrema perventum fuerit, si denique aeger vitam protrahere voluerit, ad paracentesem decurrere licebit. Modus optimus hanc operationem perficiendi in scriptis chirurgicis invenietur, quem nunc describere non ad me attinet. Signa haud dubie levabuntur; sed parumper, ni a nova effusione caveatur, quod quidem adeo est difficile, ut quisque prudens aegrum amicosve praemonere certe debeat, ne operatio parum proficiens sibi vitio vertatur.

Vesicatoria dorso, pectori, sive lateribus, applicata, ut omnibus notum, praestantissimos edunt effectus; quippe quae, dum effusionem minuunt, absorptionem multum adaugent. Semper tuta sunt; et, ubicunque suspicio morbi est, adhiberi possunt, quodque magnopere utilitatem adauget, pars vesicata fonticulus fieri potest, quamdiu opus fuerit.

Cum

Cum hydropes interdum vomitu fuerint soluti, multi ad emetica confugerunt. Doses parvae subinde repetitae augent urinam, perspirationem, et expectorationem; unde serum in corpore minuitur. Praecipuum tamen commodum oritur ab aucta absorptione, quam, uti multa monstrant, emetica efficiunt. Bubo, ex. gr. qui omnibus discutientibus restitit, vomitui saepe cedit.

Emeticorum optima sunt ipecacuanha, scillae, tartarum emeticum, vitriolum album, et infusiones foliorum vel radicis digitalis, quae planta nuper multum fuit laudata.

Sed in hydrothorace, emetica sunt cautiissime adhibenda; agitatio enim vomendi semper periculosa, interdum lethalis, haud dubie evadet. Debilitas aegri nifus violentos tolerare parum valet, et, si morbus ab officatione valvularum proveniat, vel si multum aquae jam fuerit effusum, vomitio vasa rumpet, vel aegrotum subito suffocabit. Nunquam igitur est cienda; et si emetica

metica praecipere placeat, sint adeo modica ut nauseam solam moveant.

Cathartica draſtica quaedam tantum aquae intestinis detrahunt, uti hydragoga nominentur. Hujusmodi sunt pilulae lunares, jallapium, gambogium, elaterium, scammonium, aliaque multa. Haec quidem excretionem muci multum promovent, et fluida intestina versus alliciunt; sed inflammationem intestinis, et extremam aegro debilitatem, minitantur. Sydenhamus notat ea esse quotidie, vel non omnino, usurpanda; si enim intervalla forent longiora, morbum ex usu eorum fore graviolem. Cum autem nemo hujusmodi evacuationes tolerando par sit, draſtica cathartica vix sunt praecipienda.

Cryſtalli tartari, quorum usum in omnibus hydropibus experientia probat, hydrothoraci optime conveniunt; et dum album leniter solvunt, diuresin quoque promovent, quae praebet optimum aquae superfluae exitum, nec corpus aequae ac catharsis debilitat. Interdum urinae copiam
citissime

citissime augent: Ægra nuper hydrope in nosocomio nostro laborabat, cujus urina intra paucos dies, (Hopio peritia et cura insignissimo, hoc remedium quotidie administrante) a libris duabus ad sex septemve augebatur. Experimenta nupera ostendunt, crystallos tartari semper evadere efficacissimos, ubi multa diluentia simul permittuntur, et morem antiquum interdicens potum hydropico esse et crudelem, et nocivum.

CrySTALLIS tartari parum proficientibus, quod nimis saepe observatur, alia diuretica sunt tentanda, qualia sunt scillae, colchicum, sales alkalini, et iste potus Anglice *gin punch* nominatus. Cum copiâ urinae augeri nequeat, nisi fluidum effusum prius absorbeatur, mercurius vim omnium diureticorum auget.

Decoctum cinarae interdum urinae fluxum promovet; sed adeo est amarum ut ventriculus raro, tantum quanto opus est, recipere possit.

E

Ubi

Ubicunque hydrops a minuta perspiratione, ut in locis frigidis, humidis, pendet, cathartica et diuretica, utpote quae a superficie impetum faciunt, minus quam sudorifica apta videntur. Mercurius praegressus operationem sudorificorum valde adauget; idcirco semper est praemittendus, post quem, pulvis Doveri conveniet.

Nil magis solvit obstructions, vel secretionem auget, quam mercurius; qui igitur princeps deobstruentium habetur. Quam utilis sit in schirro jecinoris, et in hydrocephalo, nemo ignorat. Dr D. Monro memorat multa exempla hydropis, in quibus mercurium efficacem experiebatur; unde in hydrothorace est tentandus.

Cicuta ac mezereon quoque laudantur; sed vis eorum nondum satis comperta. Crystalli tartari jam inter purgantia et diuretica stant; sed hic iterum eos proferre oportet, ob vim deobstruentem, qua, ut quibusdam placet, gaudent. Litem movere nolo; sed quomodo obstructions tollere possint, aliter

aliter quam augendo evacuationes antea memoratas, me non intelligere profiteor.

Friſtio, multa commoda hydropico affert; ideoque nunquam eſt negligenda.

Aqua evacuata, ejus nova accumulatio eſt ſedulo praecavenda. Frigus, et omnia quae morbos pectoris vel debilitatem inferendo ſunt apta, caute effugiantur. Contra alvum adſtriſtam, urinam parcam, et perſpirationem cohibitam, caveatur. Diaeta ſit plena, nutrienda, ſtimulans. Exercitatio ſit conſtans, quantum vires ſinant. Si diaeta per ſe non ſufficiat, cortex, amara, chalybeata, aliaque tonica auxilio eſſe poſſunt.

Quum aeger adeo convaluerit, ut balneum frigidum inire audeat, id multum proderit, modo corpus ſtimulet, et mox poſt egreſſum calorem excitet.

Hiſce peractis, nil reſtat niſi ut Profeſſoribus hujus almae academiae grates agerem. Eos lubentiſſime laudarem; ſed nomina per Europam olim celeberrima meis laudibus parum honorabuntur.

F I N I S.

aliter quam augendo evacuationes an-
temortales, nec non intelligere prohibet.
Ergo, tunc commoda hydropico af-
fuit; idcirco nunquam est negligenda.
Aqua evacuat, quæ nova accumulatio
est, sedulo præcedenda. Tergis, et omnia

CORRIGENDA.
quæ morbo præcedunt, cum infu-
sione sunt apta, curæ cogitantur. Contra

Pag. 17. l. ult. *pro languidorem lege languidiorem.*

22. l. 22. *pro abnoxia lege obnoxia.*

in plicis, nervis, sinuibus. Inactio
in constant, quantum vices sunt, in di-
cta per se non sufficit, cortex, amara,
chalybeata, aliæqueonica auxilio esse pos-
sunt.
Quoniam æger adeo convalescit, ut balne-
um frigidum infundat, id malum pro-
deat, modo corpus stimulet, et mox post
effusum calorem exciet.

Hilce parati, nil restat nisi ut Prose-
toribus huius artis academice gratias age-
ram. Hoc lumen hunc ludæum; sed no-
mina per Europam olim celebratissima meis
laudibus patrum honorabatur.